

Le KFS San Martin de Tor, sciöche Filiala dl Katholischer Familienverband, inviëia dotes les families incö, domënia, 21 de ma, ala festa de süa inauguraziun a Lungiarü. Ciarede plü avisa tl'ultima plata.

Bibliolog a Oies en vëndres, ai 26 de ma, dales 15,00, cun Br. Michael Ertl.

En chësc ann vëgnel indô organisé les Olimpiades di Ministranc por reingrazié dl gran sorvisc ch'ai fej. An s'incunta ai 23 de messé, dales 08.45, tl ciamp dl sport a La Ila y dales 09.00 él na picia defilada y dedô Mëssa. Do Mëssa á i partezipanc l'ocajun da tó pert a de vigni sort de jüc, soghé al palé, jüc d'abilité, stafëta, basket y i.i. Iscriziuns y info pro i surastanc di paisc.

LUNGIARÜ

Curs da cujé por prinzipiand/tes de 5 incuntades de lönesc ai 5, 12, 19 y 26 de jügn y ai 03 de messé dales 19.30 ales 21.00. Prenoté cina ai 21 de ma pro Chantal 348 17 33 391. Posc limitá.

La Ciasa de Palsa da San Martin chir dai 19 de jügn inant n/na assistënt/a de economia de ciasa (responsabl/a). Termo da dé jö la domanda é i 24 de ma dales 12.00. Informaziuns www.ciasadepalsa.it o 0474 524 786.

En mercui, ai 24 de ma, tëgn la Scolina da San Martin le De dla Porta daverta: dales 14.30 é dotes y düc i interessá inviá da gní a se fá na roda te scolina.

Le KVW Val Badia organisëia n pelegrinaje de dui dis (ai 19 y 20 de jügn) ai santuars de Maria Luggau y Maria Lussari; suranöt a Millstätt. Al costa 200 € por i scric ite al KVW (220 € por i atri) + 15 euro por na ciadena da susc. Informaziuns y prenotaziuns cina ai 4 de jügn pro Christoph Pezzedi 333 72 19 535, mail: crix.pezzedi@gmail.com Düc/tes é bel inviá/des!

Le grup de laur "Localize-it" präia dër bel da tó pert ala inrescida ch'i ciafëis sot https://docs.google.com/forms/d/e/1FAIpQLScdWCwBHbPKiBiXgNL4Mmxj-HG1yeEEoWKgJnxjdjmkO7LVCxA/viewform?usp=sf_link

Do la inrescida sura le consum de alcol y de d'atres sostanzes danter i jogn y les jones dla Val Badia, mët le grup "Localize-it" (Comuns dla Val Badia, Raiun Sozial, Intendënza Ladina, Sorvisc ai Jogn) da jí chësta inrescida sciöche proscimo vare dl proiet. L'obietif é chël da cöie adöm propostes y idees por rové a n consum de alcol plü responsabl danter nüsc jogn. La inrescida á na dorada de 5 menüc. Danfora bel dilan dl tëmp, dla serieté y dantadöt dl aiüt.

Incö, domënia, 21 de ma, vëgnel festejé le De internacional di Museums. La Cooperativa Turistica Alta Badia mët a jí cun le Museum Ladin na manifestaziun tl Museum a San Ciascian cun n program por pici y gragn: al vëgn pité vijites menades tl Museum Ladin Ursus ladinicus y trëi laborators creatifs por mitans y mituns danter les 15.00 y les 18.00. Alaleria pón se gode n renfrësch, cun musiga dl duo Laura Willeit y Hubert Dorigatti. Ti Museums Ladins a San Ciascian y a San Martin él l'entrada debann dales 10.00 ales 18.00.



Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

21.04. - 28.05.23 n. 26


unitepastoral.org

ultimo termo por comunicaziuns: jöbia, dales 20.00

ASSËNZA - ASCENSIUN DL SIGNUR

Vangele do san Matí 28.16-20

I önesc discepui ê jüs tla Galilea sön chë munt che Gejù ti à dit.
Y canch'ai â odü Gejù, s'ai inslenè dan da d'ël.
Mo n valgügn dubitâ. Dailô ti é Gejù
jü pormez y ti à dit: A mé m'él dè dötä
la potesté tl cil y söla tera. Porchël jide
da düc i popui y fajede fora de dötä
la jënt mi discepui; batiedi tl inom
dl Pere y dl Fi y dl Spirit Sant,
y insgnedi da osservè döt ci ch'i
ves à dè sö. Ciarede: Iö sun cun os,
düc i dis cina ala fin dl monn.




*Gejù che vá a cil ti racomana ai discepui:
Fajedi conësce a düc i popui le vangele, la buna noela.*

*Iö á dër ion chësta festa,
ciodich'al ti vëgn surandé ai apostui y ai discepui de Gejù
la responsabilité, y metü te sües mans le dagní dla Dlijia.
Al é la festa dla majera eté di cristians.*

*Gejù la vega da nes surandé y da nes lascé a nos le compit
da porté inant le vangele cun la forza dl Spirit Sant.
Le vangele nes chërda y les scincundes dl Spirit Sant nes dëida
da tó les dezijiuns che vá debojëgn.*

*Gejù nes á la crëta ch'i se comportunse da gragn
y chësta festa ó s'al recordé.*

*Iö surantoli ion chësc compit che Gejù me dá,
y al me sá bel che ël me conscidra de majerá eté. (Te Deum)*

EDEMA - ANN "A"	SAN MARTIN	LUNGIARÜ	<p data-bbox="1666 213 1995 826"> <i>Te tüa ascensiu tölesse cun te dal Pere y láscesse bele söla tera sintí val' dl cil: che chi tla tristëza vëgnes consolá, che chi che s'la vëiga vëgnes incorajá, che chi zënza speranza ciafes vöia da jí inant, che i tralasciá vëgnes tuc ite, che i delujoná vëgnes confortá, che i morc vëighes tüa presënza.</i> </p>  <p data-bbox="1666 1145 2063 1410"> <i>Bel Dî, benedëscesse cun domandes che nes condüj inant, benedëscesse cun dejiers che ne se lascia nia destodé, benedësc nosta vita ch'i ne zedunse nia da te chirí.</i> </p>
<p data-bbox="98 213 414 437"> 21.05.23 Festa dl'Assënza Ascensiu dl Signur <i>Al vá inant la Novëna al Spirit Sant</i> </p>	<p data-bbox="459 213 1048 437"> 7.45 Corona de ma 8.15 Gran Mëssa dla Comunité + Helmut Dejaco (dl ann) + Sciandro Trebo (dl ann) 19.30 Corona de ma sö Ju </p>	<p data-bbox="1048 213 1637 437"> 9.00 Corona de ma 9.30 Gran Mëssa por la comunité cun y por les families (Kath. Familienverband) 15.00 Corona de ma tla capela de S. Ojöp Fr. </p>	
<p data-bbox="98 448 459 544"> 22.05.23 <i>Rita da Cascia</i> Lönesc </p>	<p data-bbox="459 448 1048 544"> 19.30 Corona de ma a Picolin </p>		
<p data-bbox="98 553 459 799"> 23.05.23 Dedolönesc <i>Berto, Desider</i> </p>	<p data-bbox="459 553 1048 799"> 8.30 Mëssa di scholars + Teresa Pedevilla Flös + + Pire y Christine Zingerle + Ida Flöss + + geniturs de Elsa y Tone Gasser + Emma Schuen, Pidrô 19.30 Sentada dl Consëi de cöra </p>		
<p data-bbox="98 804 459 916"> 24.05.23 <i>Maria dal Aiüt,</i> <i>Ester</i> Dedemesaledema </p>	<p data-bbox="459 804 1048 916"> 20.00 Corona de ma sö Frëina </p>	<p data-bbox="1048 804 1637 916"> 7.30 Devoziun de ma </p>	
<p data-bbox="98 927 459 1011"> 25.05.23 <i>Beda, Gregöre</i> Jöbia </p>	<p data-bbox="459 927 1048 1011"> 19.30 Corona de ma a Bioch </p>		
<p data-bbox="98 1023 459 1155"> 26.05.23 Vëndres <i>Filip Neri, Alvin</i> </p>	<p data-bbox="459 1023 1048 1155"> 18.30 Adoraziun chîta 19.00 Adoraziun deboriada </p>	<p data-bbox="1048 1023 1637 1155"> 16.30 Corona de ma por düc cun i neocomunicanc 19.30 Corona de ma fora dala Grota </p>	
<p data-bbox="98 1166 459 1251"> 27.05.23 <i>Agostin, Bruno</i> Sabeda </p>			
<p data-bbox="98 1262 459 1495"> 28.05.23 PASCA DE MA </p>	<p data-bbox="459 1262 1048 1495"> 9.00 Devoziun al Spirit Sant 9.30 Mëssa solëna o Liturgia dla Parora por la Comunité 19.30 Corona de ma sö Ju </p>	<p data-bbox="1048 1262 1637 1495"> 7.50 Adoraziun I^a pert 8.45 Mëssa solëna o Liturgia dla Parora por la Comunité dedô Adoraziun II^a pert 15.00 Corona de ma tla capela de S. Ojöp Fr. </p>	